

*Avannaata Kommunia*

*Aamma*

*Namminersorlutik Oqartussat akornanni*

*Majoriamut tapiissutinik*

*isumaqatisiissut*

*2023*

## Majoriamut tapiissutinik isumaqatigiissut

Inuussutissarsionermik ilinniagaqarnermut ilitsersuinermit piginnaangorsaanermullu tunngasortaanut tunngatillugu Majoriamut tapiissutinik isumaqatigiissut 2023-imut

Takussutissiaq 1	Tapiissutit		Atuartut
	<i>kr.</i>	<i>Taarsigassat</i>	<i>Amerl.</i>
Ingerlatsinermit tapissutit Ilulissat	1.834.148		60
Ingerlatsinermit tapissutit Uummannaq	1.405.867		30
Ingerlatsinermit tapissutit Upernavik	2.055.101		35
Ingerlatsinermit tapissutit Qaanaaq	1.494.924		14
Atuagarsornertaqaangitsumik ingerlataq*	660.000	x	6
Sannaviit	684.257	x	22
<b>Katillugit</b>	<b>8.134.296</b>		<b>167</b>

\* Ilinniartorisassat arfinillit assigaat qaammatini pingasuni ingerlatami ilinniartut 20-t

2023-mut tamakkiisutut ingerlatsinermit tapiissutit 6.790.039 kr.-nut naatsorsorneqarput. Ulloq 1. februaari 2023-mi 4.753.028 kr. akiliutaapput. Aningaasat taakku assigaat ingerlatsinermit tapiissutit tamakkiisut 70 %-ii.

Ingerlatsinermit tapiissutini sinneruttut 30 %-it, 2.037.012 kr., 2023-mi kvartalit sisamaanni akiliutaassapput, tassani tunngavigineqassalluni isumaqatigiissutigisatut naammassisassatut angusassaq kommunimit anguneqarsimanersoq.

Ingerlatsinermit tapiissutinik illoqarfinnik immikkoortiterinerup najoqqutassaliiginnarnera malugiuk. Illoqarfinni assigiinngitsuni tamakkunani pisariaqartitsinerit tamakku malillugit aningaasaliissutit kommunip agguataarsinnaavai.

Kommunalbestyrelsip nalunaarut piffissaq eqqorlugu nassiutinngippagu, imaluunniit amigaaqartillugu nassiuppagu kingunerititatu ingerlatsinissamut tapiissutinit 30 %-it sinneruttut uninngatinneqarsinnaapput.

### Ilinniartuutigisassat

Majoriami piginnaangorsagaanissamik qinnutiginnittut tigusinnaasatut amerlassusaannut ilinniartunut tapiissutit akuerineqartarput. Ilinniartuutigisassat isumaqatiginninniutaasarput, ukiumullu ataasiarluni naatsorsuutigisatut ingerlatsinissamut tapiissutinik nalunaaruteqarnermut atatillugu aalajangerneqartarlutik.

Ilinniartuutigisassat amerlassusaannik iluarsiinissamik pisariaqartitsisoqartoq kommunalbestyrelse isumaqassappat tamanna pillugu naalakkersuisoqarfimmut tunngavilersuutitaqartumik allakkatigut

qinnuteqaammik kommunalbestyrelse nassiusaqarsinnaavoq. Qinnuteqaatip imarissavai ilinniartuutigeriikkanik atuinnermut, ilinniartitsisorisanut, kiisalu inissanut tunngasutut piukkunnaatinut piginnaasaqassutsinullu tunngasutut nassuiaatit. Ilinniartuutigisassat amerlassusaannik iluarsiinissaq pillugu qinnuteqaatinik naalakkersuisoqarfik nalilersuiuartarpoq.

Agguaqatigiissillugu qaammatini qulini piginnaangorsarfigisassanik ilinniartuutigisassanut tamakkiisunut, assigalugit ilinniartut 167-it, 2023-mut kommune akuersissuteqarfiuvoq. Tiguneqarnissaminnut piunasaqaatinik pigisaqareersunut inuit iliuusissatut pilersaarumminni ilinniakkamut tiguneqarnissaminnik kissaateqartut ilinniartutut tapiissutinik tunineqarsinnaangillat, taamaattorli atugassarisat tamatumingna pissusissamisoortitsissappata immikkut ittumik ilinniartumut tapiissutissanut qinnuteqartoqarsinnaavoq.

Ilinniartuutigisassatut akuerisaasut Isumaginninnermut, Suliffeqarnermut Nunamullu Namminermt Naalakkersuisoqarfillu akiligassartaasigut isumannaarfigineqassapput.

Ilinniartuutigisassap ataatsip assigaa ilinniartuq ataaseq, qaammatini qulini pissarsisoq. Tamatuma assigissavai assersuutigalugit ilinniartut marluk qaammatini tallimani ilinniartunut tapiissutinik pissarsissappata ataatsimik ilinniartuutigisaqarneq; ilinniartut tallimat qaammatini marlunni ilinniartunut tapiissutinik pissarsissappata assigissavaa ilinniartuutigisassaq ataaseq.

## **Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq**

Isumaqatigiissut manna ullormit 1. januaari 2023-mit atuutilerpoq, atuuffigaalu piffissaq 1. januaari 2023-31. decembari 2023.

Naammassisassatut isumaqatigiissummut matumunnga naleqqiullugu isumaqatigiissuteqarfittut piffissap iluani annertuunik allannguutit pissappata isumaqatigiissutit isumaqatiginninniutigeqqinnissaanik qaammatinik pingasunik killiliiffigisamik illua'tungeriit ataasiakkaat tamarmik piunasaqaateqarsinnaapput. Isumaqatigiissutit isumaqatigiinniutigineqarqissinnaanerata kingunerinngilaa naammassisassatut isumaqatigiissummik unioqqutitsinerit tunngavigalugit suliassanngortitsisinnaanerup killilerneqarnissaa, takuuk imm. 11 naammassisassatut isumaqatigiissummi.

Minnerpaamik qaammatit arfinillit sioqqullugit kalerriutigalugu isumaqatigiissut illua'tungeriinnit tamanit atorunnaarsinneqarsinnaavoq. Isumaqatigiissut una atorunnaarsinneqassappat naammassisassatut isumaqatigiissut atorunnaasaaq.

Naammassisassatut isumaqatigiissut atorunnaarinneqarpat una majoriamut tapiissutinik isumaqatigiissut atorunnaasaaq.

Nammanersorlutik Oqartussanut



Avannaata kommunianut

